

ფიჭური სატელეფონო მომსახურების 2018-2019 წლების კონსოლიდირებული

ტენდერ(ებ)ის სატენდერო კომისიის სხდომის ოქმი №8

ქ. თბილისი

22 დეკემბერი, 2020 წელი

სხდომას ესწრებოდნენ:

ლევან რაზმაძე - სსიპ სახელმწიფო შესყიდვების სააგენტოს თავმჯდომარე, სატენდერო კომისიის თავმჯდომარე;

ილია ბეგიაშვილი - საქართველოს რეგიონული განვითარებისა და ინფრასტრუქტურის მინისტრის მოადგილე, სატენდერო კომისიის თავმჯდომარის მოადგილე;

ზურაბ ძნელაშვილი - საქართველოს ფინანსთა მინისტრის მოადგილე, სატენდერო კომისიის წევრი;

ეკატერინე მიქაბაძე - საქართველოს ეკონომიკისა და მდგრადი განვითარების მინისტრის მოადგილე, სატენდერო კომისიის წევრი;

გიორგი ბუთხუზი - საქართველოს შინაგან საქმეთა მინისტრის მოადგილე, სატენდერო კომისიის წევრი;

ირაკლი ლექვიანიძე - სსიპ კონკურენციის ეროვნული სააგენტოს თავმჯდომარე, სატენდერო კომისიის წევრი;

გიორგი პატარიძე - საქართველოს იუსტიციის მინისტრის მოადგილე, სატენდერო კომისიის წევრი.

სხდომის მდივანი:

ქეთევან ქადაგიძე - სახელმწიფო შესყიდვების სააგენტო, ცენტრალიზებული შესყიდვების დეპარტამენტის უფროსი.

დღის წესრიგი:

2018 წლის 26 თებერვალს გამოცხადებული ფიჭური სატელეფონო მომსახურების კონსოლიდირებული ტენდერის (CON170000115) ფარგლებში მომსახურების გაწევის ვადის გაგრძელება 2021 წლის 30 ივნისის ჩათვლით.

განიხილეს:

კომისიის თავმჯდომარემ, ლევან რაზმაძემ, კომისიის წევრებს შეახსენა, რომ ფიჭური სატელეფონო მომსახურების 2017-2018 და 2018-2019 წლების კონსოლიდირებული ტენდერების გამოცხადების შემდგომ, საქართველოს კომუნიკაციების ეროვნულმა კომისიამ კონსოლიდირებული ტენდერების სატენდერო კომისიას, აგრეთვე შპს „მაგთიკომს“, შპს „სილქნეტს“ და შპს „ვიონი საქართველოს“ წარუდგინა წერილები, რომლის შესაბამისადაც კონსოლიდირებული ტენდერების სატენდერო პირობები/ტარიფები იმგვარად უნდა ყოფილიყო ჩამოყალიბებული, რომ მათში მონაწილეობით სატელეკომუნიკაციო ბაზარზე მნიშვნელოვანი საბაზრო ძალაუფლების მქონე ავტორიზებულ პირებს არ დაერღვიათ სატარიფო რეგულირების, დისკრიმინაციისა და სუბსიდირების აკრძალვის ვალდებულებები. აღნიშნულიდან გამომდინარე, მნიშვნელოვანი საბაზრო ძალაუფლების მქონე მობილურმა ოპერატორებმა თავი შეიკავეს ტენდერში მონაწილეობისაგან.

საკითხის მოკვლევისა და სატენდერო პირობების ჩამოყალიბების მიზნით, სატელეკომუნიკაციო ბაზარზე მნიშვნელოვანი საბაზრო ძალაუფლების მქონე ავტორიზებულ პირებს, შპს „მაგთიკომს“, შპს „სილქნეტს“ და შპს „ვიონი საქართველოს“ დაევალა საქართველოს კომუნიკაციების ეროვნული კომისიისათვის 2018 წლის აუდიტებული განცალკევებული აღრიცხვის ანგარიშის წარდგენა, რის შემდეგაც კომუნიკაციების ეროვნული კომისია შეისწავლიდა 2018-2019 წლების კონსოლიდირებული ტენდერის (CON170000115) პირობებით მომსახურების მომხმარებლისათვის მიწოდების სუბსიდირების საკითს.

კომისიის თავმჯდომარემ კომისიის წევრებს ასევე შეახსენა, რომ საქართველოს კომუნიკაციების ეროვნული კომისიის 2020 წლის 17 ივნისის Nგ20-08/1970 წერილის თანახმად, კონსოლიდირებული ტენდერით დადგენილი პირობებით მობილური სატელეფონო მომსახურების მიწოდების სუბსიდირების საკითხის სრულყოფილად შესწავლა კვლავ არ არის დასრულებული, ვინაიდან ოპერატორებისგან გამოთხოვილი დამატებითი ინფორმაციის დროულად მიღება და საფუძვლიანად შესწავლა ვერ მოხერხდა, კვლავ კორონა ვირუსთან დაკავშირებული შეზღუდვების გამო. აღნიშნულიდან გამომდინარე, საქართველოს კომუნიკაციების ეროვნული კომისიამ გასცა რეკომენდაციას ფიჭური სატელეფონო მომსახურების ვადის გაგრძელების თაობაზე, არსებული ხელშეკრულების პირობების შესაბამისად, 2020 წლის 31 დეკემბრის ჩათვლით.

სახელმწიფო შესყიდვების სააგენტომ, 2020 წლის 10 დეკემბერს მიმართა საქართველოს კომუნიკაციების ეროვნულ კომისიას N3942 წერილით და სთხოვა რეკომენდაცია ფიჭური სატელეფონო მომსახურების კონსოლიდირებული ტენდერის სატენდერო პირობების განსაზღვრის თაობაზე.

2020 წლის 21 დეკემბერს საქართველოს კომუნიკაციების ეროვნულმა კომისიამ წარმოადგინა საპასუხო წერილი Nგ-20-08/4218, რომლითაც იგი განმარტავს, რომ კონსოლიდირებული ტენდერით დადგენილი პირობებით მობილური სატელეფონო მომსახურების მიწოდების სუბსიდირების საკითხის სრულყოფილად შესწავლა კვლავ არ არის დასრულებული, ვინაიდან ოპერატორების მიერ განცალკევებული აღრიცხვის ანგარიშები კომუნიკაციების კომისიისთვის მიწოდებულ იქნა 2020 წლის ივლისი - აგვისტოს პერიოდში. საკითხის მნიშვნელობიდან გამომდინარე, კომისია დამატებით ახორციელებს იურიდიული პირი აბონენტების (როგორც კომერციული სექტორის, ასევე ადმინისტრაციული ორგანოების) ხელშეკრულებების შესწავლას, რომლის შედეგებიც მნიშვნელოვნად განაპირობებს შესაძლო სუბსიდირების ინდიკატორების შეფასებას. აღნიშნული წარმოების ფარგლებში, უმნიშვნელოვანესია კომერციული იურიდიული პირების სეგმენტის სრულფასოვანი შესწავლა, რათა ანალოგიური სეგმენტის შეთავაზებები და ჯვარედინი სუბსიდირების ინდიკატორები გამოვლენდეს. ამ კვლევის ფარგლებში კომუნიკაციების კომისიამ ინფორმაციის გამოთხოვა 2020 წლის იანვარში დაიწყო, თუმცა ინფორმაციის სრულად მიღება დღემდე ვერ მოხერხდა. ამ მომენტისათვის მნიშვნელოვანი საბაზრო ძალაუფლების მქონე ორ ოპერატორთან - სს „სილქნეტსა“ და შპს „მაგთიკომთან“ შეთანხმებული გრაფიკით, ინფორმაციის მიწოდება კომუნიკაციების კომისიასთან 2021 წლის თებერვალში დასრულდება, რის შემდეგაც კომისია შეძლებს სრულფასოვანი ანალიზის შედეგების მომზადებას.

აღნიშნულიდან გამომდინარე, საქართველოს კომუნიკაციების ეროვნული კომისია გასცემს რეკომენდაციას ფიჭური სატელეფონო მომსახურების ვადის გაგრძელების თაობაზე, არსებული ხელშეკრულების პირობების შესაბამისად, 2021 წლის 30 ივნისის ჩათვლით.

მობილური სატელეფონო კავშირის უწყვეტობის სახელმწიფოებრივი და საზოგადოებრივი მნიშვნელობიდან გამომდინარე, აგრეთვე საქართველოს კომუნიკაციების ეროვნული კომისიის რეკომენდაციის გათვალისწინებით, სატენდერო კომისია მიზანშეწონილად მიიჩნევს, ფიჭური სატელეფონო მომსახურების მიწოდება კვლავ გაგრძელდეს 2018-2019 წლის კონსოლიდირებული ტენდერის (CON170000115) პირობებისა და ტარიფების შესაბამისად, 2021 წლის 30 ივნისის ჩათვლით.

ზემოაღნიშნულთან დაკავშირებით შენიშვნები არ გამოთქმულა.

კომისიამ დაადგინა:

1. სახელმწიფოებრივი და საზოგადოებრივი მნიშვნელობიდან და ფიჭური სატელეფონო მომსახურების შეუფერხებელი მიწოდების აუცილებლობიდან გამომდინარე, აგრეთვე საქართველოს კომუნიკაციების ეროვნული კომისიის 2020 წლის 21 დეკემბრის Nგ-20-08/4218 წერილით გაცემული რეკომენდაციისა და „2018-2019 წლების განმავლობაში ფიჭური სატელეფონო მომსახურების კონსოლიდირებული ტენდერ(ებ)ის საშუალებით განხორციელების თაობაზე“ საქართველოს მთავრობის 2018 წლის 30 იანვრის N225 განკარგულების მე-5 პუნქტის გათვალისწინებით, 2018-2019

წლების კონსოლიდირებული ტენდერის (CON170000115) ფარგლებში მომსახურების გაწევის ვადა გაგრძელდეს 2021-2022 წლების კონსოლიდირებული ტენდერის გამოცხადებამდე ან/და გამოცხადებულ კონსოლიდირებულ ტენდერში სახელმწიფო შესყიდვის ხელშეკრულებების გაფორმებისა და პორტირების პროცედურების დასრულებამდე, მაგრამ არაუგვიანეს 2021 წლის 30 ივნისის ჩათვლით.

2. დაევალოს სსიპ სახელმწიფო შესყიდვების სააგენტოს წინამდებარე ოქმის სახელმწიფო შესყიდვების ერთიან ელექტრონულ სისტემაში ატვირთვა.

ოქმის რედაქცია შეთანხმებულია კომისიის წევრებთან ელექტრონული ფოსტის მეშვეობით.